

# Hè Ghjunta l'ora Turchina

Hè ghjunta l'ora turchina  
Chì annanna a passione  
A furtuna si rinchjina  
È saluta a nostra unione  
Hè l'ora di u spusaliziu  
Cusì bellu sacrificiu.

Ci stringheremu a manu  
Salleremu u nostru pattu  
A memoria di l'anziani  
Ci vole vede à l'attu  
Senza tremu nè frizione  
Tuttu ci chjama à l'azione

È po compia a vindetta,  
Serà l'ora di riposu  
Serà l'ora prediletta  
U ghjornu serà festosu  
U populu ci hà da fà festa  
Teba ùn serà più mesta.

Seraghju la to cumpagna  
È tù gran'triunfatore  
Di tè più nimu si lagna  
Serai u mio imperatore  
Accogli a mio prumessa  
Quella di una principessa.

*G. Thiers / Tavagna*